



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Na temelju članka 10. st. 5 i 6. Zakona o veterinarstvu u Bosni i Hercegovini („Službeni glasnik BiH“, broj 34/02) i privitka I, poglavlja B, točke 2. Programa mjera zdravstvene zaštite životinja i njihovog provođenja u 2018. godini („Službeni glasnik BiH“, broj 15/18) i članka 3. Odluke o odabiru programa mjera kontrole i iskorjenjivanja bruceloze malih preživača u Bosni i Hercegovini za period 2017 – 2021. godine (broj: 02-1-27-20-373-1/17 od 07.04.2017 godine), Ured za veterinarstvo Bosne i Hercegovine, donosi

NAPUTAK

**O ORGANIZIRANJU PROVOĐENJA CIJEPLJENJA PROTIV
BRUCELOZE MALIH PREŽIVAČA U 2018. GODINI**

Članak 1.

Ovim Naputkom propisuje se način provođenja cijepjenja malih preživača protiv bruceloze u 2018. godini za područje Bosne i Hercegovine i dostavljanje potrebne dokumentacije.

Članak 2

- (1) Obvezno cijepjenje vakcinom OCUREV Rev 1 pripremljenom za konjunktivalnu aplikaciju provodi se kod malih preživača starosne dobi od tri do šest mjeseci.
- (2) Pored malih preživača starosne dobi od tri do šest mjeseci, izvršice se cijepjenje svih malih preživača starijih od 6 mjeseci koji nisu obuhvaćeni cijepjenjem zbog gravidnosti, zdravstvenih ili drugih razloga u prethodnim godinama, uz obvezno označavanje identifikacijskom i vakcinalnom ušnom markicom ukoliko isti nisu prethodno označeni identifikacijskom ušnom markicom
- (3) U 2018. godini, u stadima u kojima nikada nije provedeno cijepjenje, ili je provedeno na manje od 50% životinja u stadu, na trošak vlasnika će se na svim malim preživačima starijim od 12 mjeseci provesti prevakcinalna dijagnostika. Nakon dobijanja rezultata od strane dijagnostičkih veterinarskih laboratorija, samo u slučaju negativnog rezultata na pojavu *Brucella melitensis* će se provesti cijepjenje odraslih jedinki isključivo uz nazočnost nadležnog veterinarskog inspektora.
- (4) Nadzor nad implementacijom programa provode Ured i nadležna veterinarska inspeksijska tijela za područje svoje nadležnosti o čemu dostavljaju izvještaje Uredu i nadležnim entitetskim ministarstvima poljoprivrede i Odjeljenju za poljoprivredu Brčko Distrikta Bosne i Hercegovine

Članak 3.

- (1) Plan cijepjenja/distribucije svaki za svoje područje nadležnosti, donose: Federalno ministarstvo poljoprivrede, vodoprivrede i šumarstva, Ministarstvo poljoprivrede, šumarstva i vodoprivrede Republike Srpske i Odjel za poljoprivredu, šumarstvo i vodoprivredu Brčko Distrikta Bosne i Hercegovine (u daljem tekstu: nadležna tijela entiteta i Brčko Distrikta BiH).
- (2) Ured vrši koordinaciju dostavljenih prijedloga iz stavka (1) ovog članka i na osnovu analiza rezultata implementacije programa iz prethodne godine predlaže konačni Plan distribucije za tekuću godinu.
- (3) Raspodjela materijala za provođenje cijepjenja u Bosni i Hercegovini vršice se sukcesivno prema veterinarskim organizacijama od strane Agencije za označavanje životinja u skladu sa konačnim planom iz stavka (2) ovog članka.
- (4) Svim veterinarskim organizacijama će u toku implementacije programa cijepjenja biti dostavljeni ugovori o implementaciji delegiranih zadataka na vakcinaciji malih preživača protiv bruceloze.
- (5) Redistribucija između veterinarskih organizacija će biti omogućena samo između veterinarskih organizacija iz plana cijepjenja/distribucije. Primopredaja materijala i opreme mora biti praćena odgovarajućom dokumentacijom (forma reversa), koja će se dostavljati Uredu i nadležnim entitetskim

ministarstvima poljoprivrede i Odjelu za poljoprivredu Brčko Distrikta BiH najkasnije pet dana nakon obavljene redistribucije.

- (6) Svaka veterinarska organizacija je dužna, nakon 31.12.2018. godine, obavjestiti Ured i nadležna entitetska ministarstva poljoprivrede i Odjel za poljoprivredu Brčko Distrikta BiH o količinama neiskorištene opreme i materijala (cijepiva, ušnih markica, obrazaca i zaštitne opreme) zadužene od strane Agencije.
- (7) U slučaju ne pridržavanja u potpunosti ovog Naputka i ostalih propisa koji uređuju ovu oblast, Ured, nadležna tijela entiteta i Brčko Distrikta BiH imaju pravo isključiti bilo koju veterinarsku organizaciju iz daljeg provođenja programa.

Članak 4.

- (1) Uvidom u plan iz članka 3. stavka (2) ovog Naputka, Ured će prema veterinarskim organizacijama vršiti plaćanje faktura za provedeno cijepljenje.
- (2) Svaka faktura dostavljena od strane veterinarske organizacije Uredu, mora biti praćena u potpunosti pravilno popunjenim originalnim primjercima Obrazaca o provedenim mjerama cijepjenja protiv bruceloze.
- (3) Veterinarske organizacije su dužne dostaviti dokumentaciju iz stavka (2) ovog članka Uredu najkasnije u roku od 10 dana od dana provedbe cijepjenja.
- (4) Prilikom dostavljanja prve fakture, veterinarska organizacija je dužna dostaviti i potpisan Ugovor iz članka 3. stavka (5) ovog Naputka.
- (5) Plaćanje prema veterinarskim organizacijama neće se vršiti prije usvajanja konačnog plana iz članka 3. stavka (2) ovog Naputka za tekuću godinu i dostavljanja kompletne dokumentacije iz st. (2), (3) i (4) ovog članka.


Članak 5.

Troškove provođenja cijepjenja od strane veterinarskih organizacija u iznosu od 3 KM po životinji (bez PDV-a) snosi Ured iz sredstava projekta SIDA „Jačanje izvoznog potencijala i poboljšanje konkurentnosti poljoprivrednih proizvođača u BiH“.

Članak 6.

Stupanjem na snagu ovog Naputka, stavlja se van snage Naputak broj 02-2-27-20-373-8/17 od 06.07.2017. godine.

Ovaj Naputak stupa na snagu danom donošenja



Broj: 02-2-27-20-34-12/18

Datum: 04.06.2018